

– Երեւի շատ ամուր բերդ է, բարձր աշտարակներ եւ ահագին պարիսպներ ունի:

– Անտարակոյս, մի ժամանակ ունեցել է: Բայց մինչեւ այժմ ինչպե՞ս կը մնային այդ ամրութիւնները: Գիտե՞ք, երբ էր Յայկը:

Նա սկսեց ժպտալ իմ միամտութեան վրայ: Ջորեպանի կոպիտ ծառան Յայկի մասին եւս տեղեկութիւն ուներ: Այդ աւելի գրգռեց իմ կասկածը: Ես դարձեալ ընկայ առաջին մտածութիւնների մէջ, որ այդ անձինքը ծանօթ էին ինձ:

Յայոց-ձորը, մեր Յայկ նահապետի բնագաւառը, լի է բազմաթիւ յիշատակներով, որ յիշեցնում են մեր Դիւցազնի պատերազմը Բաբելոնի հսկայի հետ: Ասլանը ինձ բացատրեց, թէ որպէս այժմեան յիշատակարաններով եւ ժողովրդի մէջ պահպանուած առասպելներով ստուգուում է պատմութիւնը:

– Յայրենագիտութիւնը, – ասաց նա, – գլխաւոր ուսմունքներից մէկը պէտք է լինի, որ պարտաւոր է սովորել ամէն մի հայի որդին: Ով որ չէ ճանաչում իր հայրենիքը, չէ կարող ճշմարտապէս սիրել նրան:

Յետոյ նա ցոյց տոեց այն տեղերը, որոնք նոիրական էին դարձել Յայկի եւ Բելի յիշատակներով: Նա ցոյց տոեց այն բլուրը, որի վրայ տապալոեցաւ մեր հսկայի հզօր բազկից նետահար եղած Բելը, որ եւ մինչեւ այսօր նրա դրած անունով կոչուում է Գերեզմանք, որովհետեւ այնտեղ ընկան Բելի քաջերից շատերը, եւ այն բլուրը, որի վրայ պաշտպանուած էին նրանք, եղաւ նրանց գերեզմանը: Նա ցոյց տոեց ճակատամարտի տեղը, ուր առաջին անգամ հանդիպեցան միմեանց երկու հսկաները: Այդ տեղը կոչուեցաւ Յայք, որ այժմ, ժողովրդի լեզուում աղճատուելով, ասուում է Խէք: Նա ինձ ցոյց տոեց, թէ դէպի ո՞ր կողմն է ընկնում Բելուն, որը Բելի անունն է կրում: Նա հեռոցից ինձ ցոյց տոեց Աստոածաշէնը, մեր Դիւցազնի եւ նահապետի հիմնած առաջին աւանը, որ մինչեւ այսօր մնացել էր շէն, որ մինչեւ այսօր պահպանել էր իր անունը: Աստոածաշէնի բնակիչը միշտ պարծանքով է յիշում, որ դա մեր նախահոր՝ Յայկ դիւցազնի, անունն է կրում, որովհետեւ հսկաների հայրը, որ աստոածների հետ էր պատերազմում, ինքն եւս պաշտուում էր իբրեւ աստոած: Այդ աւանի մօտ էր եւ նրա ամրոցը, ուր մենք գնում էինք:

Վերջապէս մենք հասանք մեր բաղձանքի տեղը:

Աստոածաշէն գիւղի մօտ, արեւելեան կողմում, ընդարձակ դաշտի միջից բարձրանում է մի երկարածեւ լեռ, որ իր ահաւոր գագաթից իշխում է շրջակայ տափարակների վրայ: Ահա այդ սարի բարձրութեան վրայ մինչեւ այ-